



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA KUMI

Kikao cha Ishirini na Sita – Tarehe 13 Juni, 2018.

Kikao Kitaanza Saa 3.00 (Tatu) Asubuhi
na Dua itasomwa.

I. MASWALI:

Ofisi ya Rais, Tawala za Mikoa, Serikali za Mitaa na Idara Maalum za SMZ:

169. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Kupitia Sera ya Ugatuzi, Ofisi ya Rais, Tawala za Mikoa, Serikali za Mitaa na Idara Maalum za SMZ ndiyo yenye jukumu la kusimamia vituo vya afya. Kwa kuwa kituo cha afya cha Ungi kilichopo Jimbo la Konde kimeshindwa kutumika kutokana na matatizo ya fedha ili kumalizia mambo madogo madogo ikiwemo rangi, mabenchi na “shatters” za milango. Na kwa kuwa Shirika la Posta Tanzania, Wizara Fedha Zanzibar, TBS na wengineo walishachangia kama walivyoahidi.

- (a) Je, ni lini kituo hicho cha afya kitakamilishwa ili kiweze kutoa huduma iliyokusudiwa.

- (b) Je, Halmashauri ya Wilaya ya Micheweni ambayo kituo hicho kipo chini yao kwa mwaka wa fedha 2018/2019 wamejipanga vipi kuhakikisha kwamba inasaidia ukamilishwaji wa kituo hicho cha afya.

Wizara ya Fedha na Mipango:

- 195 MHESHIMIWA OMAR SEIF ABEID (JIMBO LA KONDE) -
Atamuuliza Mheshimiwa Waziri wa Fedha na Mipango:

Kwa kuwa Serikali hupata gawio lake la faida kutoka kwenye mashirika yake. Kutokana na kutokufungwa kwa hesabu za mashirika kwa kipindi cha Julai/Septemba 2017/2018.

- (a) Je, changamoto gani zilizojitokeza hata kushindikana kufungwa hesabu za mashirika hayo kutoka kwa Mkaguzi Mkuu na Mdhambi wa Hesabu za Serikali na kwa kipindi kama hicho Serikali ilipata gawio la kiasi gani kutoka kwa mashirika ya Serikali kwa mwaka 2016/2017.
- (b) Je, ni athari gani inayopatikana kutokana na Serikali kukosa kupatiwa gawio lake kutoka kwenye mashirika hayo.
- (c) Je, Mfuko Mkuu wa Serikali ulipata mgao wa kiasi gani kutoka Shirika la Bandari, Mamlaka ya Viwanja vya Ndege, Shirika la Meli na mgao wa faida kutoka ZSSF kuanzia Julai 2017 hadi Januari 2018.

Wizara ya Elimu na Mafunzo ya Amali:

247. MHESHIMIWA BAHATI KHAMIS KOMBO (Jimbo la Chambani) - Atamuuliza Mheshimiwa Waziri wa Elimu na Mafunzo ya Amali:

Wananchi wa Shehia ya Ukutini wanaipongeza sana Serikali kwa kuwapelekea maendeleo mbali mbali katika shehia yao. Lakini wao wenyewe walijitolea kujenga skuli ya chekechea wakaendelea skuli ya msingi na sekondari na walitenga eneo la kujenga skuli ya ghorofa lakini walishindwa kutokana na uwezo wao kuwa mdogo.

- (a) Je, Serikali itawasaidia vipi kuwajengea skuli ya ghorofa.
- (b) Je, ni lini Serikali italiezeka banda la skuli liliopo katika shehia hiyo.

Wizara ya Ardhi, Nyumba, Maji na Nishati:

260. MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Ardhi, Nyumba, Maji na Nishati:

Katika kuleta mabadiliko ya miundombinu mipya ya kimaendeleo, ni busara Wizara na Taasisi za Serikali kwenda sambamba na mabadiliko hayo kwa kasi kubwa. Hata hivyo, baadhi ya Wizara na taasisi hizo zimeshindwa kuendelea kwa kasi hiyo katika mipango yake kwa kisingizio cha kukosa hatimiliki zinazohusiana na maendeleo ambayo wanataka kuyaendeleza kwa sababu ya kukosekana kwa hati hizo za ardhi na huku malipo yakiwa yameshafanywa.

- (a) Je, Serikali inalijua hilo.
- (b) Je, ni kweli yapo matatizo hayo au yanayofanana na hayo.
- (c) Kama kweli, ni sababu zipi zinazochelewesha utoaji wa hati hizo za Serikali wakati ardhi ni mali ya Serikali.

Wizara ya Ujenzi, Mawasiliano na Usafirishaji:

149. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Ujenzi, Mawasiliano na Usafirishaji:

Pamoja na nia na jitihada ya Serikali ya Mapinduzi ya Zanzibar kununua meli mpya ya Mapinduzi II ili kurahisisha mawasiliano baina ya visiwa vyetu lakini meli hiyo imekuwa ikikumbana na maharibiko ya mara kwa mara na lengo kutofikiwa.

Je, ni tija gani au faida imepatikana kwa kipindi chote tokea meli hii ianze kazi.

II. HOJA ZA SERIKALI:

Waziri wa Fedha na Mipango:

Kwamba Baraza hili lijadili Makusudio na Shabaha zilizomo katika Makadirio ya Mapato na Matumizi ya Wizara ya Fedha na Mipango kwa mwaka 2018/2019.

Zanzibar,
13 Juni, 2018.

(Raya Issa Msellem)
KATIBU WA BARAZA.